

KANTON SARAJEVO**SKUPŠTINA KANTONA SARAJEVO****NAROD I PRAVDA****Danijela Kristić, zastupnica****FEDERALNO MINISTARSTVO ZDRAVSTVA****N/p MINISTRA****PREDMET: INICIJATIVA**

U Službenim novinama Kantona Sarajevo br. 12/24 od 28.03.2024. godine je objavljena Odluka o slobodnim lokacijama za osnivanje apoteka za 2024. godinu na području Kantona Sarajevo, a koja nije u skladu sa pozitivnim zakonskim propisima tačnije nije u skladu sa Pravilnikom o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije (Sl. novine FBiH br 44/12,23/13, 27/14 i 36/19).

Ovom odlukom raspisane su slobodne lokacije za osnivanje apoteka za 2024. godinu i to za apoteke na području:

1. Općina Centar - za područje MZ Betanija (3400 stanovnika) - 1 apoteka;
2. Općina Centar - za područje MZ Marijin dvor TC Sarajevo City Centar - 1 apoteka;
3. Općina Novo Sarajevo - za područje MZ Pofalići II (5200 stanovnika) - 1 apoteka;
4. Općina Novi Grad Sarajevo - za područje MZ Otoka (4166 stanovnika) ul. Brčanska i Žrtava fašizma- 1 apoteka;
5. Općina Ilidža - za područje MZ Stup II JP Međunarodni aerodrom Sarajevo - 1 apoteka;
6. Općina Ilidža - za područje MZ Stup naselje Bulevar (6353 stanovnika) - 1 apoteka;
7. Općina Ilidža - za područje MZ Blažuj TC West Gate - 1 apoteka;
8. Općina Vogošća - za područje MZ Hotonj (7500 stanovnika), ul. Donji Hotonj, Branilaca Hotonja I Orahov brijeg - 1 apoteka;
9. Općina Trnovo - za područje MZ Babin do - 1 depo apoteka;
10. Općina Ilijaš - za područje MZ Mrakovo (2856 stanovnika) - 1 depo apoteka.

Obzirom da je uspostavljanje prednje pobrojanih lokacija u očiglednoj suprotnosti sa odredbama Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije, koji donosi federalni Ministar zdravstva, molim vas da o prednje navedenom zauzmete Vaš stav i date Vaše tumačenje ovog propisa u sljedećim dijelovima:

Pravilnikom u članu 4. propisano je :

„Član 4. Međusobna udaljenost između dvije apoteke iz člana 3. ovog Pravilnika ne može biti manja od 400 metara najbliže cestovne povezanosti. Međusobna udaljenost apoteka iz stava 1. ovog člana utvrđuje se geodetskim izmjerom ovlaštenog lica za obavljanje geodetskih poslova u skladu sa važećim propisima iz ove oblasti.

Geodetski izmjer iz stava 2. ovog člana potrebno je pribaviti samo u slučaju kad već postoji osnovana apoteka na istoj općini, odnosno gradskoj i ruralnoj oblasti.“ Neovisno od prednje citiranih odredbi Pravilnika, u Odluci Ministarstva zdravstva KS, niti za jednu planiranu apoteku nije navedena geografska udaljenost od najbliže apoteke. Za raspisanu slobodnu lokaciju Ministarstva zdravstva KS, za apoteku u za područje MZ Marijin dvor TC Sarajevo City Centar, evidentno je da nisu ispunjeni uslovi u smislu udaljenosti između dvije apoteke jer u neposrednoj blizini posluju čak tri apoteke na udaljenosti manjoj od 150 metara, od čega jedna u sastavu JU „Apoteke Sarajevo“ koja je u vlasništvu Kantona Sarajevo. Opreza radi, ukoliko Ministarstvo zdravstva Kantona Sarajevo, cijeni da se u čl. 4. st.1. Pravilnika tumači cestovnu udaljenost automobilom, napominjem da i u ovom slučaju nije zadovoljen ovaj kriteriji, te kako bi se izbjegle dalje nedoumice ili zloupotrebe molim Vaš da date vaše tumačenje ovoga člana u pomenutom smislu udaljenosti.

Nadalje čl. 3. Pravilnika propisano je:

„Član 3. Apoteka se osniva u skladu sa geografskim i demografskim kriterijima. Dozvoljeno je osnivanje jedne apoteke za snabdijevanje lijekovima, i to na 3.000 stanovnika. U općinama, gradovima, odnosno gradskim i ruralnim oblastima sa više od 3.000 stanovnika za snabdijevanje lijekovima dozvoljeno je osnivanje dvije apoteke za najmanje 8.000 stanovnika, odnosno svaka sljedeća apoteka može se osnovati na svakih daljih 5.000 stanovnika, polazeći od 8.000 stanovnika.“ Za uspostavljanje slobodne lokacije za apoteku na području Mjesne zajednica Stup, koja broji oko 6.400 stanovnika, na čijem području posluju dvije apoteke, prilikom sačinjavanja sporne Odluke postupalo kao da na ovom području ne posluje niti jedna apoteka. Dok Mjesnu zajednicu Stup II broji oko 7.200 stanovnika, te bi za uspostavljanje nove apoteke u skladu sa Pravilnikom ova mjesna zajednica trebala brojati 13.000 stanovnika. Općina Vogošća - za područje MZ Hotonj (7500 stanovnika), na području ove mjesne zajednice već posluju dvije apoteke, da bi se poštujući Pravilnik otvorila nova apoteka ova općina bi trebala da broji 13.000 stanovnika.

Detaljnijom analizom da se utvrditi da ni jedna od osam predloženih lokacija za apoteke ne ispunjava tražene kriterije u pogledu broja stanovnika, osim ako broj stanovnika stalno naseljenih u 2023. Nije povećan za 114,000 stanovnika. Opreza radi skrećem pažnju i na prijedloge za otvaranja apoteka u trgovačkim centrima I Međunarodnom aerodromu Sarajevo, kojima se ignorišu demografske i geografske smjernice iz Pravilnika, koje poznaju jedno broj stanovnika, a ne broj posjetitelja trgovačkom centru ili međunarodnom terminalu, te se na ovaj način grubo krše i ne poštuju odredbe pomenutog Pravilnika.

U prednjem izlaganju pobrojane su samo neke od nelogičnosti i nepoštivanja Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije, iz kojeg razloga Vas kao donositelja istog molim da izvršite nadzor, date Vaše tumačenje spornih odredbi Pravilnika u smislu cestovne udaljenosti između apoteka (da li se ista odnosi na udaljenost pješaka ili automobilom), zauzmete stav kako bi u buduće izbjegli ovakve nedoumice i eventualne zloupotrebe. Također molim za Vaš stav povodom uspostavljanja slobodnih lokacija za apoteke koje se ne temelje na odredbama Pravilnika u smislu broja stanovnika, već na broju posjetitelja u TC ili međunarodnom aerodromu.

Sarajevo 24.04.2024.godine

Zastupnica u Skupštini KS

Danijela Kristić